



Page: 6

Reach: 0

Country: BOSNIA AND HERZEGOVINA

Size: 599 cm2

1 / 2

Uhapšeni u međunarodnoj akciji CD predati

ZATRAŽENO PRITVARANJE OSUMNJIČENIH

Pritvor je predložen za Hamidovića, kao i Luku turisti i stanovnici Pariza

Od sedam osoba uhapšenih u zajedničkoj akciji policijskih organa BiH i Francuske kodnog naziva CD s ciljem suzbijanja organizovanog kriminala i trgovine ljudima radi prosjačenja i radne eksploatacije, Tužilaštvo BiH je, nakon ispitivanja osumnjičenih, Sudu BiH uputilo prijedlog za određivanje pritvora za četiri osobe.

Vrbovanje

U okviru prvog predmeta, postupajući tužilac predložio je pritvaranje Elvisa Salčinovića (1976), rođenog u Prijedoru, nastanjenog u Zenici, ranije osuđivanog, koji se ranije navodno prezivao Hamidović, te njegovih sinova Denisa Hamidovića (1994), rođenog u Rimu, nastanjenog u Zenici, te Tonija Hamidovića (1991), rođenog u Sanskom Mostu, nastanjenog u Zenici, ali i Luke Hrustića (1992), rođenog u Rimu, nastanjenog u Zenici.

U pogledu dvije osumnjičene osobe uhapšene u akciji CD, danas



će biti upućen prijedlog za određivanje mjera pritvora.

Iz Tužilaštva je saopšteno da pritvor predložen zbog opasnosti od bjekstva, bojazani da uhapšeni, ukoliko bi se našli na slobodi, mogli uništiti, sakriti, izmijeniti ili krivotvoriti dokaze ili tragove važne za krivični postupak, te ometati krivični postupak uticajem na svjedoke, saučesnike ili prikrivače, ali i zbog postojanja bojazni da bi puštanjem na slobodu nastavili sa vršenjem ovih i drugih krivičnih

djela, odnosno da bi dovršili krivična djela za koja se sumnja ovom istragom ili počinili novo krivično djelo.

"Osumnjičeni su pod istragom Tužilaštva BiH, te se sumnja za organizovani kriminal, trgovinu ljudima, pranje novca, krijumčarenje ljudi, nasilničko ponašanje, nedozvoljeno držanje oružja ili eksplozivnih materija, krivotvorenje isprava ili falsifikovanje ili uništavanje službene isprave", saopšteno je iz ove pravosudne institucije.

Kao što smo pisali, u okviru ove akcije, pripadnici SIPA pretresli su objekte na devet lokacija na području Zenice, Vlasenice, Prijedora i Jajca, te pronašli i oduzeli određene predmete koji mogu poslužiti kao dokaz u daljem postupku. U Jajcu su uhapšene dvije osobe, a u Prijedoru i Vlasenici po jedna. U toku akcije u Salčinovićevoj kući u Goraždanskoj ulici u Lukovom Polju kod Zenici zatečeno je više djece, čiji identitet nije bilo moguće ut-

Skupocjeni terenac i pištolj u ruci

Koliko su se Salčinović i ostali osilili govori i podatak da su na internet-sajtu YouTube postavili nekoliko snimaka na kojima se Salčinović pojavljuje u skupocjenom terencu ispred kuće u Goraždanskoj ulici i nešto govori na romskom jeziku. Na jednom od snimaka on i još jedna osoba vade pištolje i s njima mašu ispred kamere...



Tužilaštvu BiH

NJE ČETVORICE

Elvisa Salčinovića, te njegove sinove Denisa i Tonija Hrustića • Francuska policija krenula u akciju nakon što od bandi džeparoša nisu mogli da posjećuju Eiffelov toranj



vrđiti, kao ni njihove staratelje, te su djeca, u koordinaciji sa Centrom za socijalni rad, zbrinuta.

Nakon hapšenja iz SIPA su istakli da su žrtve bile pod stalnom kontrolom, te izložene svakodnevnom fizičkom i psihičkim maltretiranju kako bi pribavile što veću količinu novca. Također je navedeno da se procjenjuje kako su osumnjičeni na taj način stekli više od dva miliona eura, koje su kupovinom nekretnina u BiH i luksuznih vozila, ubacivali u legalne novčane tokove ili trošili na luksuzan način života.

Uhapšeni u akciji CD su osumnjičeni da su od 2012. vrbovali više ženskih osoba tako što su s njima stupali u vanbračne zajednice i organizovali njihove odlaske u Francusku, a potom ih putem ucjena, prijetnji, zastrašivanja, zlostavljanja i drugih vidova fizičkog i psihičkog nasilja primoravali da vrše džepne krađe na području Francuske i šire i dostavljaju im tako pri-

bavljen novac. U pojedinim slučajevima žrtve su bila i djeca.

Preuzeli "posao"

Francuska policija krenula je u akciju nakon što turisti i stanovnici Pariza od bandi džeparoša nisu mogli da normalno hodaju ovim gradom. Kako navode francuski blogeri, tako je 22. maja Eiffelov toranj, najposjećeniji spomenik na svijetu, zatvoren za posjetioce zbog "armije Roma" koji su, prodajući suvenire, džeparili posjetioce.

"Ono što bi trebalo da bude naš ponos, sada je naša sramota, odnosno pravi odraz alarmantnog stanja u našoj zemlji", istakao je jedan francuski bloger, dodajući da je 2013. Luvr, "još jedan simbol istorije i civilizacije, također zatvoren upravo iz istih razloga".

Dodao je da se od tada u Parizu ništa nije promijenilo, iako policija sa ponosom najavljuje da će sve učiniti da zaštiti turiste. S tim u vezi, francuska policija je počela distribuirati letke turistima kako bi se zaštitili od džeparoša.

Podsjetimo, sredinom jula 2013. 63-godišnji Fehim Hamidović, romski ceribaša i kralj francuskih džeparoša porijeklom iz BiH, u Francuskoj je osuđen na sedam godina zatvora. Iako su mislili da će njegovim zatvaranjem razbiti bandu džeparoša porijeklom iz BiH, francuske vlasti to nisu uradile, jer su "posao" preuzeli članovi njegove familije. **D. P.**